



IZVOZNICIMA BOSNE I HERCEGOVINE

Poštovani izvoznici,

Vjerujemo da ste upoznati s kontinuiranim aktivnostima koje Konzorcijum logistika Bosne i Hercegovine sprovodi u cilju jačanja i očuvanja održivih lanaca snabdijevanja. Naš zajednički cilj je da roba proizvedena u Bosni i Hercegovini stigne efikasno, bezbjedno i na vrijeme – od vrata do vrata – do krajnjih kupaca u EU i šire.

Nažalost, suočeni smo s nizom ozbiljnih prepreka koje ugrožavaju funkcionisanje ovog krvotoka privrede. Jedan od najvećih izazova trenutno je nepoštivanje AETR sporazuma od strane pojedinih država članica EU, posebno kada je riječ o dozvoljenom boravku vozača iz BiH (2160 sati godišnje).

● Vozači iz Bosne i Hercegovine nisu migranti niti tražioci azila. Oni su profesionalci zaposleni u registrovanim transportnim kompanijama koje dostavljaju Vaše proizvode u lance snabdijevanja Evropske unije.

● Svaki boravak i kretanje vozača unutar EU moguće je precizno i tehnički dokazati očitavanjem podataka iz digitalnih tahografa, što u potpunosti zadovoljava zahtjeve AETR sporazuma.

Zato Vas pozivamo da iskoristite svoje komunikacione i poslovne kanale prema partnerima i institucijama u EU, kako biste pomogli u rješavanju ovog problema. Ne tražimo povlašten tretman, već dosljednu primjenu međunarodnog sporazuma koji je potpisan i obavezuje sve strane.

Takođe, ukazujemo i na druge barijere koje svakodnevno utiču na isporuku Vaših proizvoda:

- dugotrajna zadržavanja na graničnim prelazima,
- administrativne opstrukcije,
- inspekcijske procedure koje se koriste kao sredstvo pritiska.

Ukoliko se navedeni problemi ne riješe u najskorijem roku, bićemo primorani da potvrdimo ranije najavljeni termin – 16.06.2025. – kao dan potpune obustave međunarodnog drumskog transporta, uključujući i regionalni odgovor.

Ne radimo to olako. Naša borba nije usmjerena protiv, već za opstanak sektora i očuvanje konkurentnosti izvoznika iz BiH.

Zato Vas molimo za razumijevanje, podršku i aktivno uključivanje – kako bismo zajednički pokazali da vozači iz BiH nisu problem, već su ključ stabilnosti i otpornosti lanca snabdijevanja.

S poštovanjem,

KONZORCIJUM LOGISTIKA BOSNE I HERCEGOVINE

[www.logistika.ba](http://www.logistika.ba)  [info@logistika.ba](mailto:info@logistika.ba)

KONZORCIJUM LOGISTIKA BOSNE I HERCEGOVINE

KOORDINATOR POSLOVA

Prof.dr Velibor Peulić

